

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ՆՄՏԱՇՐՋԱՆԸ

Փետրվարի 28-ին սկսվեց Երեւանի պետական համալսարանի պրոֆեսորա-դասախոսական կազմի տարեկան հաշվետու գիտական նստաշրջանը, որը տևեց հինգ օր:

Առաջին օրը, առաջօրյան պլենար նիստում, համալսարանի ռեկտոր պրոֆ. Մ. Ներսիսյանի ներածական խոսքից հետո լսվեցին գիտական զեկուցումներ: Առաջինը՝ «Հայաստանը կենտրոնական միջերկրածովային սիստեմում» թեմայով հանդես եկավ պրոֆ. Հ. Մաղադջյանը: Տեսական ֆիզիկայի ամբիոնի վարիչ պրոֆ. Գ. Սահակյանի զեկուցումը նվիրված էր գնդիկոս երկնային մարմինների տեսության հարցերին, իսկ պրոֆ. Մ. Տեր-Միքայելյանը և զոց. Ռ. Ղազարյանը՝ օնկոգիդրներին ծանոթացրին օպտիկական կանայների միջով ինֆորմացիայի հաղորդման հնարավորությունների հարցին:

Նույն օրը, երեկոյան պլենար նիստում, լսվեցին պրոֆեսորներ Գ. Սևակի «Գրական լեզու և գրականության լեզու», Հ. Գաբրիելյանի «Ազգի առհամեման հարցի շուրջը», Մ. Ներսիսյանի «Առաջին հայ ուսուպիստ-սոցիալիստը» և Մ. Մկրչյանի «Հայ հին գրականության սկզբնավորման հարցի շուրջը» թեմաներով ուշադրավ զեկուցումները:

Մարտի 1—4-ը նստաշրջանի 6 գիտական բանաժողովների 16 սեկցիաներում կարգադրվեցին

մոտ 150 զեկուցումներ: Առանձնապես ունկնդիրների ակտիվ մասնակցությամբ և գիտական բարձր մակարդակով անցան մաթեմատիկայի, քիմիայի, մեխանիկայի, պատմության, կենսաբանության, լեզվագիտության և այլ սեկցիաների նիստերը:

Արժանի են հիշատակման հատկապես պրոֆեսորներ Ա. Թալալյանի («Սիստեմներ, որոնցով կազմված շարքերը ներկայացնում են բոլոր շափերի ֆունկցիաները»), Ս. Պողոսյանի («Հայաստանում ֆեոդալիզմի առաջացման հարցի շուրջը»), զոց. Պ. Քեզիբգանյանի և Ա. Ակրիտովի («Թեոզոգիան հատազայթների դիֆրակցիայի օպտիկական սկզբունքների նորադույն հարցերը»), զոց. Կ. Չորանյանի («Բաղադրյալ ձողերի լարումների կոնցենտրացիայի մասին») և բազմաթիվ այլ զեկուցումներ, որոնք աչքի ընկան իրենց խոր վերլուծություններով ու կարևոր եզրահանգումներով:

Համալսարանի հաշվետու տարեկան նստաշրջանը, որն ամփոփեց բուհի գիտնականների մեկ տարվա գիտահետազոտական աշխատանքների արդյունքները, մեծ հետաքրքրություն առաջացրեց մայրաքաղաքի գիտական հասարակականության մեջ:

Ք. ԳԱԼՍՏՅԱՆ

ՀՈՐԵԼՅԱՆԱԿԱՆ ԵՐԵՎՈ

Փետրվարի 21-ին ՀՍՍՀ գիտությունների ակադեմիայի նիստերի դահլիճում կայացավ մեծաժան երեկո, որը կազմակերպված էր ակադեմիայի նախագահության և ՍՄԿԿ Կենտկոմին առընթեր մարքսիզմ-լենինիզմի ինստիտուտի հայկական ֆիլիալի կողմից և նվիրված էր պետական ու կուսակցական հին գործիչ, ՀՍՍՀ գիտությունների ակադեմիայի ակադեմիկոս Արտաշես Կառիկյանի ծննդյան 80 և կուսակցական-հասարակական ու գրական-գիտական գործունեության 60-ամյակին:

Երեկոն ներածական խոսքով բացեց Հայաստանի գիտությունների ակադեմիայի պրեզիդենտ, ակադեմիկոս Վիկտոր Համբարձումյանը: Հորելյարի կյանքի ու գործունեության մասին զեկուցեց մարքսիզմ-լենինիզմի ինստիտուտի հայկական ֆիլիալի գիտակոոր, գիտությունների ակադեմիայի թղթակից-անդամ, պրոֆեսոր Մատուր Աղայանը:

Արտաշես Կարիկյանը (Գաբրիելյան) ծնվել է 1886 թ. նոյեմբերի 11-ին (նոր տոմարով նոյեմբերի 24-ին) Բալախանիում՝ Անդրկովկասի պրովետարական կենտրոն Բաքվի արվարձանում, Նրա հայրը՝ Բալասի Գաբրիելյանը, Հեռնային Ղարաբաղի Շուշի քաղաքից Բաքու եկած քարտաշի որդի էր և ծառայում էր նավթահանքերում: Պատանի Արտաշեսը վերջացրել է Բաքվի առաջին գիմնազիան: Ապա 1906 թ. մտել է Պետերբուրգի համալսարանի իրավաբանական ֆակուլտետ, որը ավարտել է 1910 թ.:

Ա. Բ. Կարիկյանը անցել է հեղափոխական գործչի երկար ուղի: Իր հասարակական-քաղաքական կյանքը նա սկսել է շատ վաղ հասակից, երիտասարդական տարիներից ակտիվ մասնակցությամբ է ունեցել հեղափոխական շարժմանը որպես պրոպագանդիստ և ընդհատակյա խմբակների ղեկավար: Սկսած 1906 թ. նա բոլշև-

վիկյան մամուլի էջերում հանդես է եկել հակամարքսիստական գանազան հոսանքների դեմ:

1907 թ. Կարինյանը ծանոթանում է կոմունիստական կուսակցության ականավոր գործիչ Ստեփան Շահումյանի հետ: Շահումյանի, Սպանդարյանի, Զափարիձեի, Կասպարովի հետ մտերմությունը վճռական նշանակություն ունեցավ Կարինյանի կյանքում: Շահումյանի անմիջական ազդեցությամբ նա հանդես եկավ հակալենինյան հոսանքների դեմ, պաշտպանելով ՌՍԴԲԿ սկզբունքները, պրոպագանդելով լենինյան գաղափարները հայ իրականության մեջ:



1907 թ. աշնանը Կարինյանը Պետերբուրգի մի խումբ կովկասցի ուսանողների հետ մասնակցում է Պետերբուրգի բուլճերիկյան կոմիտեի կազմակերպած հայտնի ժողովին, որը տեղի ունեցավ հոկտեմբերի 30-ին Տերիոկիում (Ֆինլանդիա): այստեղ Կարինյանը առաջին անգամ տեսավ Վ. Ի. Լենինին և լսեց նրա հաղորդումը ընթացիկ մոմենտի մասին:

1907—1910 թթ. Կարինյանը հայ պարբերական մամուլի էջերում («Բակինսկի ուրուխտ», «Նոր խոսք») հանդես է եկել դրական-հրապարակախոսական հոդվածներով: Գրական-հասարակական գործունեությանը զուգընթաց նա ակտիվ մասնակցություն է ունեցել Անդրկովկասում տարվող հեղափոխական պայքարին: Նա պայքարել է հայ, ադրբեջանցի, վրացի և Կովկասի բոլոր ազգերի աշխատավորության ինտերնացիոնալ համախմբման համար:

1913 թ. նավթարդյունաբերական բանվորների ընդհանուր գործադուլի նախապատրաստմանը

ակտիվորեն մասնակցելու համար Կարինյանը մի խումբ բուլճերիկ բանվորների հետ միասին ձերբակալվում է և արսորվում Ցարիցին, որտեղից մեկնում է Պետերբուրգ, ուր մնում է մինչև 1917 թ. աշունը:

1914—1916 թթ. Կարինյանը բազմաթիվ հոդվածներ ու գրախոսականներ է տպագրել «Պրավդա» և «Պայքար» թերթերում: 1917 թ. ապրիլի 3-ին նա Պետրոգրադի Ֆինլանդական կայարանում տեսել է մեծ Լենինին և լսել նրա հռչակավոր ճառը: Սեպտեմբերին Կարինյանը Բաքվի բուլճերիկների հանձնարարությամբ մասնակցել է «Դեմոկրատական խորհրդակցությանը», որպես բուլճերիկների ֆրակցիայի անդամ:

1917 թ. հոկտեմբերին Կարինյանը վերադարձել է Բաքու և մասնակցել Բաքվի կոմունայի ստեղծմանը: Շահումյանի և Զափարիձեի առաջարկությամբ Կարինյանը նշանակվել է «Բարձր սովետի տեղեկագրի» խմբագիր, այդ թերթում տպագրելով բազմաթիվ հոդվածներ: Ուշագրավ է նրա «Քաղաքական ինքնավարությունը և դեմոկրատիան» գրքույկը, որը գրվել է Շահումյանի հանձնարարությամբ ու հրատարակվել Բաքվում 1918 թ. սկզբին: Կարինյանը ՌԿ(Բ)Կ Բաքվի կոմիտեի անդամության թեկնածու էր, Բաքվի սովետի և նրա գործադիր կոմիտեի անդամ, իսկ 1918 թ. ապրիլից Շահումյանի գլխավորած Բաքվի ժողովրդական կոմիսարների սովետի արդարադատության ժողովրդական կոմիսարն էր:

Բաքվի կոմունայի անկումից հետո Կարինյանը աշխատել է Մոսկվայում՝ ՌՍՖՍՀ Ազգությունների ժողովրդական կոմիսարիատի Հայկա՛յան գործերի կոմիսարիատում որպես հրատարակչության վարիչ, խմբագրել է հայկական «Կոմունիստ» ամսագիրը և «Կարմիր դրոշ» թերթը: Այնուհետև նա գործուղվում է Պետրոգրադ, որտեղ ղեկավարում է Նարվա-Պետերգոֆյան շրջանի կուսակցական դպրոցը:

1921 թ. Կարինյանը գործուղվում է աշխատանքի Սովետական Հայաստան: Այստեղ նա երկար տարիներ աշխատում է որպես հանրապետության արդարադատության ժողկոմ, ՀՍՍՀ Կենտկործկոմի անդամ, Կենտգործկոմի նախագահի տեղակալ, ապա նախագահ, ՀամԿ(Բ)Կ Անդրերկրկոմի, Անդրկովկասյան ֆեդերացիայի Կենտգործկոմի նախագահության և Սովետական Միության Կենտգործկոմի անդամ:

Պետական և կուսակցական գործունեության հետ մեկտեղ Կարինյանը Թբիլիսիի ու Երևանի բուհերում կարդացել է բազմաթիվ զեկուցումներ և դասախոսություններ, պրոպագանդելով պրոլետարական ինտերնացիոնալիզմը և ժողովուրդների բարեկամությունը:

1943 թ. Արտաշես Կարինյանը գիտական աշխատանքի է անցել ՀՍՍՀ գիտությունների ակադեմիայի գրականության ֆինստիտուտում:

1934 թ. հրատարակվեց Ա. Կարինյանի երկերի ժողովածուի առաջին հատորը, ուր գետնդրված են հայ և ռուս բոլշևիկյան մամուլի էջերում նրա տպագրած հրապարակախոսական հոդվածները: 1956 և 1960 թթ. լույս տեսան Կարինյանի սովորածավալ «Ակնարկներ հայ պարբերական մամուլի պատմության» 4-հատորյակի առաջին և երկրորդ հատորները: Մեծ են նրա ծառայությունները նաև հանրապետության գրականագիտական կադրերի պատրաստման գործում:

1956 թ. Արտաշես Կարինյանը ընտրվեց Հայկական ՍՍՀ գիտությունների ակադեմիայի ակադեմիկոս: 1960—1963 թթ. նա եղել է ակադեմիայի հասարակական գիտությունների բաժանմունքի ակադեմիկոս-բարտուղար, իսկ 1963—1965 թթ. ակադեմիայի վիցե-պրեզիդենտ:

1960—1963 թթ. Ա. Կարինյանը ՍՍՀՄ Միության խորհրդի սովետին կից լենինյան մրցանակաբաշխության պետական կոմիտեի անդամ էր: Հայաստանի կոմունիստական կուսակցության XXII, XXIII և XXIV համագումարներում նա ընտրվել է Հայաստանի կոմկուսի Կենտրոնական կոմիտեի անգամ: 1905 թ. ռուսական հեղափոխության 50-ամյակի կապակցությամբ նա պարգևատրվել է Աշխատանքային կարմիր զրոշի շքանշանով, իսկ 1967 թ. հունվարի 9-ին Սովետական Միության Գերագույն Սովետի նախագահությունը, հաշվի առնելով Արտաշես Բալասիի Կարինյանի ակտիվ հասարակական-քաղաքա-

կան գործունեությունը, ծննդյան 80-ամյակի կապակցությամբ պարգևատրեց նրան լենինի շքանշանով:

Ձեկուցումից հետո հրապարակվեց ՍՍՀՄ Գերագույն սովետի նախագահության հրամանագրով Արտաշես Կարինյանին լենինի շքանշանով պարգևատրելու մասին: Հայկական ՍՍՀ Գերագույն սովետի նախագահության նախագահի տեղակալ Հ. Խ. Մարգարյանը ողջունեց հորելյարին և հանձնեց նրան հայրենիքի բարձրագույն պարգևը: Ա. Կարինյանին հանձնվեց նաև Ադրբեջանական ՍՍՀ Գերագույն սովետի պատվոգիրը, որով պարգևատրվել է նա իր ծննդյան 80-ամյակի կապակցությամբ: Այնուհետև հրապարակվեցին մի շարք հուշահասցեներ՝ Հայաստանի գիտությունների ակադեմիայի նախագահության և հասարակական գիտությունների բաժանմունքի, ՍՄԿԿ Կենտկոմին առընթեր մարքսիզմ-լենինիզմի ինստիտուտի հայկական և ադրբեջանական ֆիլիալների, գիտությունների ակադեմիայի գրականության, պատմության, հնագիտության ու ազգագրության ինստիտուտների, լուսավորության, բարձրագույն դպրոցի և գիտական հիմնարկների արձանագրության հանրապետական կոմիտեի կողմից: Հին բոլշևիկների անունից Ա. Կարինյանին ողջունեց 1902 թ. ՍՄԿԿ անդամ Գ. Մելիք-Գրիգորյանը:

Վերջում հանդես եկավ հորելյարը, որը շնորհակալություն հայտնեց կոմունիստական կուսակցությանն ու սովետական կառավարությանը՝ բարձր պարգևի և մեծարման երեկոյի համար:

Ս. ԽԱՐՄԱՆԴԱՐՅԱՆ